



Broj: 03-19-211/20
Vogošća, 06.03.2020. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 06.03.2020. godine donio je

ODLUKU O PONIŠTENJU POSTUPKA JAVNE NABAVKE RADOVA NA SANACIJI OPĆINSKIH POSLOVNIH PROSTORA U UL. P.O. ZVIJEZDA BROJ 48

Član 1.

Poništava se Otvoreni postupak javne nabavke radova na sanaciji općinskih poslovnih prostora u ul. P.O. Zvijezda broj 48. broj: 03-19-211/20, jer nijedna od pristiglih ponuda nije prihvatljiva.

Član 2.

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 10.02.2020. godine donio Odluku o pokretanju Otvorenog postupka nabavke radova na sanaciji općinskih poslovnih prostora u ul. P.O. Zvijezda broj 48, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 11.02.2020. godine pod brojem: 1353-1-3-8-3-32/20.

Sažetak Obavještenja o nabavci objavljen je u "Službenom glasniku BiH" broj: 11/20 od 14.02.2020. godine.

Tendersku dokumentaciju sa Portala javnih nabavki BiH je preuzelo 19 (devetnaest) ponuđača. Krajnji rok za dostavu ponuda bio je 26.02.2020. godine do 14:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 26.02.2020. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 03-19-211/20 iz februara 2020. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da je zaprimljeno 5 (pet) ponuda i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Babel" d.o.o. Sarajevo	16.999,91	/	/	19.889,89
2	"Almy-gradnja" d.o.o. Zenica	24.290,18	/	/	28.419,51
3	"Sela" d.o.o. Sarajevo	16.804,60	/	/	19.661,38
4	"Hidrom" d.o.o. Vogošća	18.691,50	/	/	21.869,05
5	"Dinalsa" d.o.o. Sarajevo	16.963,90	/	/	19.847,76

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

I. Ponuda ponuđača "Babel" d.o.o. Sarajevo ne ispunjava formalno-pravne uslove tražene Tenderskom dokumentacijom i to:

- Ponuđač "Babel" d.o.o. Sarajevo je u svojoj Ponudi (strana 3. Ponude) dostavio Ugovor o poslovno tehničkoj saradnji zaključen između ugovornih strana "Babel" d.o.o. Sarajevo i "Mibrall" d.o.o. Sarajevo od 24.02.2020. godine.

Komisija za javne nabavke dostavljeni Ugovor o poslovno tehničkoj saradnji između firmi "Babel" d.o.o. Sarajevo i "Mibrall" d.o.o. Sarajevo smatra pravno neurednim iz razloga što svi članovi predmetog Ugovora imaju elemente Konzorcionalnog ugovora, dok se iz samog naslova Ugovora vidi da se radi o Ugovoru o poslovno-tehničkoj saradnji.

Komisija za javne nabavke ne može predmetni ugovor prihvatiti kao pravno ispravan, naročito ako se uzmu u obzir odredbe tačke 7.5.1. TD kojom je propisano na koji način će ugovorni organ vršiti ocjenu ispunjenosti kvalifikacionih uslova od strane grupe ponuđača.

Prethodno citiranom tačkom je propisano da:

- grupa ponuđača kao cjelina mora ispuniti uslove koji su navedeni u tački 7.3.1 tenderske dokumentacije, što znači da grupa ponuđača može kumulativno ispunjavati postavljene uslove i dostaviti dokumentaciju kojom dokazuju ispunjavanje postavljenih uslova;

- uslove koji su navedeni pod tačkom 7.1.1 i 7.2.1 moraju ispunjavati svaki član grupe ponuđača pojedinačno, te svaki od članova grupe ponuđača mora dostaviti dokumentaciju kojom dokazuju ispunjavanje postavljenih uslova, na način na koji su predviđeni da se dostavljaju dokazi.

Dakle, ponuđač je dostavio Ugovor o poslovno tehničkoj saradnji od 24.02.2020. godine sa svim elementima pravnog akta propisanog tačkom 7.5.2. TD, a koji reguliše udruživanje ponuđača u grupu ponuđača radi učešća u postupku javne nabavke.

Ponuđač je također na strani 5. svoje Ponude u Obrascu za ponudu-Aneks 1 u Tabeli u rubrici Naziv, adresa i JIB za svakog člana grupe ponuđača (ukoliko se radi o grupi ponuđača) upisao odgovarajuće podatke firme "Mibrall" d.o.o. Sarajevo. Iz ovog proizilaze i sve obaveze firme "Mibrall" d.o.o. Sarajevo (propisane tačkom 7.5.1. i 7.5.2. TD) kao člana grupe ponuđača, a koje u predmetnoj ponudi nisu ispunjene.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

II. Ponuda ponuđača "Almy-gradnja" d.o.o. Zenica ne ispunjava formalno-pravne uslove tražene Tenderskom dokumentacijom i to:

- Tačkom 7.4.1. pod b) TD a u skladu sa članom 51. Zakona tražena je obrazovna i profesionalna kvalifikacija lica koja su angažovana na izvođenju konkretnih radova i to da ponuđač između ostalog ima na raspolaganju i 1 (jedno) lice, SSS ili VŠS elektro struke-III ili V stepen (KV ili VKV električar).

Tačkom 7.4.2. pod b) TD je pored ostalih zahtjeva traženo da se kao dokazi za 1 (jedno) lice, SSS ili VŠS elektro struke-III ili V stepen (KV ili VKV električar) dostavi Diploma/Svjedočanstvo o završenoj traženoj stručnoj spremi kao i dokazi o radnom angažmanu, uz napomenu da dokazi koji se dostavljaju moraju biti originali ili ovjerene kopije.

Ponuđač "Almy-gradnja" d.o.o. Zenica je u svojoj Ponudi (strana 50-53. Ponude) kao dokaz za traženo dostavio Diplomu o završenoj srednjoj školi broj: 668-09/10 od 13.09.2010. godine, kojom se dokazuje da je Benjamin Šarić završio tehničku školu i stekao stručno zvanje elektrotehničar energetike.

Uvažavajući dostavljeno, Komisija za javne nabavke cijeni da je ponuđač "Almy-gradnja" d.o.o. Zenica dostavljanjem prethodno pomenute Diplome (IV stepena) propustio da dostavi dokaz tražen tačkom 7.4.1. pod b) TD, a kojom je jasno zahtjevan radnik/lice sa završenom SSS ili VŠS elektro struke-III ili V stepen (KV ili VKV električar).

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

III. Ponuda ponuđača "Sela" d.o.o. Sarajevo ne ispunjava formalno-pravne uslove tražene Tenderskom dokumentacijom i to:

- Tačkom 7.4.2. pod b) TD kroz Napomenu II ugovorni organ je propisao da će se kao dokazi o radnom angažmanu za tražene osobe prihvatiti Lista osiguranih lica iz Poreske uprave-nadležne ispostave, Ugovor o djelu ili Ugovor o poslovno tehničkoj saradnji, shodno tački 7.4.1 b).

Ponuđač "Sela" d.o.o. Sarajevo je u svojoj Ponudi (strana 38-40. Ponude) kao dokaz za traženo dostavio Listu osiguranih lica za obveznika "Sela" d.o.o. Sarajevo broj: 13-9/4-15-5-5773/19 od 30.12.2019. godine, izdatu od strane Porezne uprave Federacije BiH-Porezna ispostava Novi Grad.

Komisija za javne nabavke smatra da dostavljena ovjerena kopija Liste osiguranih lica za obveznika "Sela" d.o.o. Sarajevo nije ovjerena od strane nadležnog organa na ispravan način. Naime, ovjerena je samo zadnja strana Liste osiguranih lica, a obzirom da se ista sastoji od više stranica, bilo je potrebno ovjeriti svaku stranicu Liste osiguranih lica pojedinačno-između stranica, a prema zvaničnom mišljenju datom u Rješenju Ureda za razmatranje žalbi BiH-Podružnica Mostar broj: JN2-03-07-1-729-8/17 od 24.08.2017. godine.

Također, Komisija za javne nabavke smatra problematičnim činjenicu da se priložena Lista osiguranih lica sastoji od 6 (šest) stranica, dok Služba za opću upravu Općine Novi Grad Sarajevo ovjeravajući predmetnu kopiju dokumenta na pečatu ovjere uopće nije naznačila od koliko se stranica fotokopija sastoji, a što je direktno utjecalo na formalno-pravnu ispravnost dostavljenog dokumenta.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

IV. Ponuda ponuđača "Hidrom" d.o.o. Vogošća ne ispunjava formalno-pravne uslove tražene Tenderskom dokumentacijom i to:

- Tačkom 8.3. TD je propisano da se Ponuda dostavlja u originalu i jednoj kopiji, na kojima će čitko pisati "ORIGINAL PONUDE" i "KOPIJA PONUDE". Kopija ponude sadrži sva dokumenta koja sadrži i original. U slučaju razlike između originala i kopije ponude, vjerodostojan je original ponude. Kopija ponude se dostavlja zajedno sa originalom u jednoj koverti ili u dvije odvojene koverte koje su opet upakovane u jednu zajedničku kovertu ili paket. Na koverti ponude mora biti naznačeno: naziv i adresa ugovornog organa sa naznakom za Komisiju za javne nabavke, naziv i adresa ponuđača u lijevom gornjem uglu koverta, evidencijski broj nabavke, naziv predmeta nabavke, sa naznakom: NE OTVARAJ.

Ponuđač "Hidrom" d.o.o. Vogošća je propustio da dostavi kopiju ponude kako je to zahtjevano tačkom 8.3. TD te je na taj način postupio suprotno postavljenom zahtjevu ugovornog organa.

- Tačkom 7.4.1. pod b) TD a u skladu sa članom 51. Zakona tražena je obrazovna i profesionalna kvalifikacija lica koja su angažovana na izvođenju konkretnih radova i to da ponuđač između ostalog ima na raspolaganju i 1 (jedno) lice, SSS ili VŠS elektro struke-III ili V stepen (KV ili VKV električar).

Tačkom 7.4.2. pod b) TD je pored ostalih zahtjeva traženo da se kao dokazi za 1 (jedno) lice, SSS ili VŠS elektro struke-III ili V stepen (KV ili VKV električar) dostavi Diploma/Svjedočanstvo o završenoj traženoj stručnoj spremi kao i dokazi o radnom angažmanu, uz napomenu da dokazi koji se dostavljaju moraju biti originali ili ovjerene kopije.

Ponuđač "Hidrom" d.o.o. Vogošća je u svojoj Ponudi (strana 37. Ponude) kao dokaz za traženo dostavio Svjedočanstvo broj: 13-171/86 od 11.06.1986. godine, kojim se dokazuje da je Omer Puriš završio IV razred elektro smjera u Srednjoškolskom centru u Foči i stekao zanimanje elektrotehničar za elektro-energetska postrojenja.

Uvažavajući dostavljeno, Komisija za javne nabavke cijeni da je ponuđač "Hidrom" d.o.o. Vogošća dostavljanjem prethodno pomenutog Svjedočanstva (IV stepena) propustio da dostavi dokaz tražen tačkom 7.4.1. pod b) TD, a kojom je jasno zahtjevan radnik/lice sa završenom SSS ili VŠS elektro struke-III ili V stepen (KV ili VKV električar).

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

V. Ponuda ponuđača "Dinalsa" d.o.o. Sarajevo ne ispunjava formalno-pravne uslove tražene Tenderskom dokumentacijom i to:

- Tačkom 7.4.1. pod b) TD a u skladu sa članom 51. Zakona tražena je obrazovna i profesionalna kvalifikacija lica koja su angažovana na izvođenju konkretnih radova i to da ponuđač između ostalog ima na raspolaganju i 2 izvršioca, SSS ili VŠS građevinske struke-III ili V stepen, smjer zidari ili tesari (KV ili VKV zidari ili tesari).

Tačkom 7.4.2. pod b) TD je pored ostalih zahtjeva traženo da se kao dokazi za 2 izvršioca, SSS ili VŠS građevinske struke-III ili V stepen, smjer zidari ili tesari (KV ili VKV zidari ili tesari) dostave Diplome/Svjedočanstva o završenoj traženoj stručnoj spremi kao i dokazi o radnom angažmanu, uz napomenu da dokazi koji se dostavljaju moraju biti originali ili ovjerene kopije.

Ponuđač "Dinalsa" d.o.o. Sarajevo je u svojoj Ponudi (strana 18-20. Ponude) kao dokaz za traženo dostavio Diplomu Srednjoškolskog centra Hadžići o završenoj srednjoj stručnoj školi broj: 1546-01/2011 od 10.06.2011. godine, kojom se dokazuje da je Mirsad Džeko završio Građevinsku stručnu školu i stekao zanimanje podopolagač.

Uvažavajući dostavljeno, Komisija za javne nabavke cijeni da je ponuđač "Dinalsa" d.o.o. Sarajevo dostavljanjem prethodno pomenute Diplome (sa stečenim zanimanjem podopolagač) propustio da dostavi dokaz tražen tačkom 7.4.1. pod b) TD, a kojom su jasno zahtjevani 2 izvršioca, SSS ili VŠS građevinske struke-III ili V stepen, smjer zidari ili tesari (KV ili VKV zidari ili tesari).

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Iz navedenih razloga, Komisija za javne nabavke je jednoglasno dala preporuku Općinskom načelniku da donese Odluku o poništenju Otvorenog postupka nabavke radova na sanaciji općinskih poslovnih prostora u ul. P.O. Zvijezda broj 48, iz razloga jer nijedna od primljenih ponuda nije prihvatljiva, a u skladu sa članom 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14).

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o poništenju postupka nabavke izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura

Mirza Čutura

Kontrolisala: Melisa Kršo

Melisa Kršo

Dostavljeno:

- 1."Babel" d.o.o. Sarajevo
- 2."Almy-gradnja" d.o.o. Zenica
- 3."Sela" d.o.o. Sarajevo
- 4."Hidrom" d.o.o. Vogošća
- 5."Dinalsa" d.o.o. Sarajevo
6. Nadležnoj Službi
7. U dosije
8. a/a

033/644-946

032/456-350

033/592-005

033/434-942

033/513-674

